



05-03/29.04/24. M

Broj: 01-03-7850-2/24
Zenica, 26.04.2024. godine

SKUPŠTINA
ZENIČKO-DOBOJSKOG KANTONA
n/r predsjedavajućeg

SKUPŠTINA ZENIČKO-DOBOJSKOG KANTONA			
Primijene	Org.jed.	Broj	Vrijednost
		29-04-2024	
	01-03-7850-2		24

PREDMET: Izvještaj o radu Nezavisnog odbora za 2023. godinu, dostavlja se

U skladu sa članom 30. stav (1) tačka d) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj:13/18, 6/19, 22/19, 21/20, 10/21 i 8/23), u prilogu akta Vam dostavljamo Izvještaj o radu Nezavisnog odbora za 2023. godinu, radi razmatranja istog na sjednici Skupštine Zeničko-dobojskog kantona.

S poštovanjem,

Prilog: kao u tekstu

PREDSJEDAVALA
Nezavisnog odbora

Almina Musić-Uka

Dostavljeno:

Naslovu

1x U predmet 12. sjednice Nezavisnog odbora/04-02



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
Nezavisni odbor**

**IZVJEŠTAJ O RADU NEZAVISNOG ODBORA
za 2023. godinu**

Zenica, april 2024. godine

UVODNE NAPOMENE

Obaveza Nezavisnog odbora za dostavljanje godišnjeg izvještaja Skupštini Kantona o svom radu, propisana je odredbom člana 30. stav 1) tačka d) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23).

Sa ciljem ostvarivanja svoje nadležnosti propisane članom 30. stav 1) tačka c) Zakona o unutrašnjim poslovima Zeničko-dobojskog kantona, Nezavisni odbor razmatra mjesečne Izvještaje o radu policijskog komesara. U skladu sa odredbom člana 31. stav (3) Zakona o unutrašnjim poslovima Zeničko-dobojskog kantona, te odredbom člana 6. stav 1. Poslovnika o radu Nezavisnog odbora, Nezavisni odbor održava redovne sjednice najmanje jednom mjesečno, kako bi imao cjelovit i kontinuiran uvid u rad policijskog komesara i Uprave policije, odnosno sigurnosnu situaciju u Zeničko-dobojskom kantonu, a po potrebi, zavisno od akata koji se dostavljaju Nezavisnom odboru, sjednice se održavaju i više puta u toku mjeseca.

U skladu sa navedenim, Nezavisni odbor podnosi Izvještaj o radu za 2023. godinu.

NADLEŽNOST NEZAVISNOG ODBORA

Nadležnost Nezavisnog odbora utvrđena je u odredbi člana 30. stav 1) Zakona u unutrašnjim poslovima Zeničko-dobojskog kantona, u kojoj je navedeno da Nezavisni odbor:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine sačinjava dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona.

Nezavisni odbor sastoji se od 7 članova, koji nisu zaposleni u Ministarstvu unutrašnjih poslova Zeničko-dobojskog kantona i Upravi policije kao i drugim ministarstvima unutrašnjih poslova i policijskim organima u Bosni i Hercegovini.

Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke. Sastav Nezavisnog odbora odražava nacionalnu strukturu stanovništva na teritoriji Zeničko-dobojskog kantona prema popisu stanovništva iz 1991. godine, uz poštivanje spolne zastupljenosti.

U toku 2023. godine zasjedala su dva saziva Nezavisnog odbora i to:

- Nezavisni odbor (prethodni saziv) imenovan na 10. sjednici Skupštine Zeničko-dobojskog kantona održanoj dana 18.06.2019. godine, na period od četiri godine, u sastavu:
 1. Ahmić Melisa, diplomirani pravnik, magistar pravnih nauka,
 2. Bolić Sead, profesor za fizičku kulturu,
 3. Husanović Meris, profesor sporta,
 4. Hadžić Sehadet, diplomirani pravnik,
 5. Redžić Almir, diplomirani pravnik,
 6. Spahić Taib, diplomirani metalurški inženjer, doktor nauka odbrane i sigurnosti,
 7. Udiljak Vanja, diplomirani pravnik.
- Mandat prethodnog saziva Nezavisnog odbora je istekao dana 27.06.2023. godine.

- Nezavisni odbor (novi saziv) imenovan na 8. sjednici Skupštine Zeničko-dobojskog kantona održanoj dana 16.05.2023. godine, na period od četiri godine, u sastavu:
 1. Grujo Martin, diplomirani pravnik,
 2. Huskanović Elvir, profesor odbrane i sigurnosti,

3. Jusufović Naira, profesor predškolskog odgoja, magistar društveno-humanističkih znanosti, doktor pedagoških nauka,
4. Milešić Ranislav, diplomirani pravnik,
5. Mulić Enisa, bakalaureat/bachelor javne uprave, magistar uprave,
6. Mušić-Uka Almina, diplomirani pravnik,
7. Šut Semir, diplomirani kriminalist, magistar kriminalističkih nauka.

Mandat imenovanim članovima novog saziva Nezavisnog odbora je počeo 28.06.2023. godine do kada je trajao mandat prethodnom sazivu Nezavisnog odbora.

U roku od 15 dana od početka mandata, dana 30.06.2023. godine Nezavisni odbor je održao konstituirajuću sjednicu, u skladu sa članom 31. stav (1) Zakona o unutrašnjim poslovima Zeničko-dobojskog kantona.

PODUZETE AKTIVNOSTI NEZAVISNOG ODBORA U IZVJEŠTAJNOM PERIODU

Nezavisni odbor je u izvještajnom periodu održao **15 sjednica**, od kojih je Nezavisni odbor u prethodnom sazivu održao **7 sjednica (od 50. do 56. sjednice)** a Nezavisni odbor u novom sazivu je održao **8 sjednica (od 1. do 8. sjednice)**, na kojima se raspravljalo o ukupno **58 tačke** dnevnog reda, te je doneseno **30 zaključaka**.

Na sjednicama su razmatrani redovni mjesečni izvještaji o radu policijskog komesara i izvještaji o radu Uprave policije sa ocjenom stanja bezbjednosti za određeni vremenski period. Članovi Nezavisnog odbora su nastojali da davanjem određenih prijedloga i sugestija, doprinesu što boljem i kvalitetnijem radu policijskog komesara, Uprave policije, a time i cijelog Ministarstva unutrašnjih poslova Zeničko-dobojskog kantona.

PRIKAZ AKTIVNOSTI NEZAVISNOG ODBORA U IZVJEŠTAJNOM PERIODU PO SJEDNICAMA

Nezavisni odbor je u toku 2023. godine održao ukupno 15 sjednica.

I - Aktivnosti prethodnog saziva Nezavisnog odbora u izvještajnom periodu po sjednicama

- **Nezavisni odbor u prethodnom sazivu, kome je mandat završio 27.06.2023. godine, održao je 7 sjednica.**

Na 50. sjednici Nezavisnog odbora, koja je održana 26.01.2023. godine, Nezavisni odbor je razmatrao Izvještaj o radu policijskog komesara za mjesec decembar 2022. godine i Izvještaj o radu Uprave policije i stanju bezbjednosti za mjesec decembar 2022. godine na području Zeničko-dobojskog kantona i iste prihvatio.

U okviru tačke dnevnog reda – razno, Nezavisni odbor je razgovarao o kadrovskoj popunjenosti u Upravi policije, te donio zaključak da je razmatrajući redovne mjesečne izvještaje o radu policijskog komesara i Uprave policije, uočio da su kadrovski potencijali Uprave policije nedovoljni za nesmetano funkcionisanje, da je broj nedostajućih policijskih službenika, državnih službenika i namještenika sve veći, što može uticati na objektivnu sigurnost građana i opće stanje bezbjednosti, te smatra da bi Vlada Zeničko-dobojskog kantona (u daljem tekstu: Vlada Kantona) trebala razmotriti pitanje kadrovske popunjenosti i iznaći rješenje kako bi se riješio problem otežanog rada policije.

Na 51. sjednici Nezavisnog odbora, koja je održana 27.02.2023. godine, Nezavisni odbor je razmatrao Izvještaj o radu policijskog komesara za mjesec januar 2023. godine i Izvještaj o radu Uprave policije i stanju bezbjednosti za mjesec januar 2023. godine na području Zeničko-dobojskog kantona, upoznao se sa Izvještajem o radu Uprave policije i stanju bezbjednosti na području Zeničko-dobojskog kantona za 2022. godinu, te razmatrao prijedlog godišnje ocjene o radu policijskog komesara za 2022. godinu. Nakon razmatranja Izvještaja o radu policijskog komesara za mjesec januar 2023. godine i Izvještaja o radu Uprave policije i stanju bezbjednosti za mjesec januar 2023. godine na području Zeničko-dobojskog kantona iste je prihvatio, dok je Izvještaj o radu Uprave policije i stanju bezbjednosti na području Zeničko-dobojskog kantona za 2022. godinu primio na znanje.

Za rad policijskog komesara Šišić Rusmira u 2022. godini, Nezavisni odbor je predložio godišnju ocjenu „uspješan“.

Na 52. sjednici Nezavisnog odbora, koja je održana 28.03.2023. godine, razmatran je Izvještaj o radu policijskog komesara za mjesec februar 2023. godine i Izvještaj o radu Uprave policije i stanju bezbjednosti za mjesec februar 2023. godine na području Zeničko-dobojskog kantona, te Nacrt Izvještaja o radu Nezavisnog odbora za 2022. godinu. Izvještaj o radu policijskog komesara za mjesec februar 2023. godine i Izvještaj o radu Uprave policije i stanju bezbjednosti za mjesec februar 2023. godine na području Zeničko-dobojskog kantona, Nezavisni odbor je prihvatio. Nakon razmatranja Nacrta Izvještaja o radu Nezavisnog odbora za 2022. godinu usvojen je prijedlog da članovi Nezavisnog odbora svoje iznesene prijedloge po pitanju izrade Izvještaja o radu Nezavisnog odbora za 2022. godinu, stave na papir ili navedu u e-mailu i iste prijedloge, u roku od 15 dana, dostave Stručnoj službi Skupštine, koja će iste uvrstiti u izvještaj i proslijediti članovima Nezavisnog odbora, nakon čega bi članovi Nezavisnog odbora na nekoj od narednih sjednica donijeli konačan Zaključak o utvrđivanju Izvještaja o radu Nezavisnog odbora za 2022. godinu.

U okviru tačke dnevnog reda – razno, Nezavisni odbor je primio na znanje Rješenje o ocjeni policijskog komesara Rasmira Šišića, broj: 02-03-4168/23 sa 11. sjednice Vlade Kantona održane dana 16.03.2023. godine.

Na 53. sjednici Nezavisnog odbora, koja je održana 28.04.2023. godine, Nezavisni odbor je razmatrao Izvještaj o radu policijskog komesara za mjesec mart 2023. godine, te Izvještaj o radu Uprave policije i stanju bezbjednosti za mjesec mart 2023. godine na području Zeničko-dobojskog kantona, kao i Prijedlog Izvještaja o radu Nezavisnog odbora za 2022. godinu. Izvještaj o radu policijskog komesara za mjesec mart 2023. godine i Izvještaj o radu Uprave policije i stanju bezbjednosti za mjesec mart 2023. godine na području Zeničko-dobojskog kantona, Nezavisni odbor je prihvatio.

Nezavisni odbor je utvrdio Izvještaj o radu Nezavisnog odbora za 2022. godinu.

U okviru tačke dnevnog reda – razno, Nezavisni odbor je razgovarao o zakonom predviđenom trajanju mandata Nezavisnog odbora, po kojem mandat traje do momenta imenovanja novog Nezavisnog odbora, te terminu održavanja sjednica ovog saziva Nezavisnog odbora u toku mjeseca maja i juna tekuće 2023. godine.

Na 54. sjednici Nezavisnog odbora, koja je održana 29.05.2023. godine, Nezavisni odbor je razmatrao Izvještaj o radu policijskog komesara za mjesec april 2023. godine i Izvještaj o radu Uprave policije i stanju bezbjednosti za mjesec april 2023. godine na području Zeničko-dobojskog kantona, koje je prihvatio.

U okviru tačke dnevnog reda – razno, Nezavisni odbor se upoznao sa dostavljenim e-mailom kojim se dostavlja Zakon o izmjenama i dopuni Zakona o unutrašnjim poslovima Zeničko-dobojskog kantona, koji će stupiti na snagu osmog dana od dana objavljivanja u „Službenim novinama Zeničko-dobojskog kantona”. Nezavisni odbor je donio Zaključak da će sa aspekta nadležnosti Nezavisnog odbora razmatrati Zakon o izmjenama i dopuni Zakona o unutrašnjim poslovima Zeničko-dobojskog kantona, nakon što isti stupi na snagu, kao i da traži da se sekretar Skupštine Zeničko-dobojskog kantona uključi i bude pisutan na sjednici Nezavisnog odbora, kada Nezavisni odbor bude razmatrao Zakon o izmjenama i dopuni Zakona o unutrašnjim poslovima Zeničko-dobojskog kantona, s obzirom da Stručna služba Skupštine Zeničko-dobojskog kantona, obavlja administrativno-tehničke poslove za Nezavisni odbor.

Na 55. sjednici Nezavisnog odbora, koja je održana 09.06.2023. godine, Nezavisni odbor je razmatrao Zakon o izmjenama i dopuni Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 8/23), sa aspekta nadležnosti Nezavisnog odbora, te usvojio prijedlog da Stručna služba Skupštine za Nezavisni odbor pripremi radnu verziju akta koji će potpisati predsjedavajući Odbora, a koji će biti upućen ministru Ministarstva unutrašnjih poslova Zeničko-dobojskog kantona, kojim Odbor traži da u što kraćem roku dostavi Nezavisnom odboru informaciju-podatke o tome da li Šišić Rusmir, kojeg je Vlada Zeničko-dobojskog kantona na 121. sjednici održanoj dana 16.09.2021. godine Rješenjem broj: 02-03-12506/21 od 16.09.2021. godine („Službene novine Zeničko-dobojskog kantona”, broj: 15/21) koje je stupilo na snagu danom donošenja, imenovala na dužnost policijskog komesara u Ministarstvu unutrašnjih poslova Zeničko-dobojskog kantona na mandat od četiri (4) godine i kojem je dodijeljen čin generalni inspektor policije za vrijeme trajanja mandata, te čiji mandat policijskog komesara je još u toku, shodno navedenim važećim izmjenama i dopuni Zakona, tj. članu 33. tačka d) i članu 42. stav (1) tačka g), ima čin glavnog inspektora i najmanje tri godine radnog iskustva u tom činu, kako bi se prema toj informaciji Odbor odredio u svojim daljnjim aktivnostima.

U okviru tačke dnevnog reda – razno, Nezavisni odbor se upoznao sa poslaničkim pitanjem Sanje Renić, poslanice u Skupštini Zeničko-dobojskog kantona sa 9. sjednice Skupštine Zeničko-dobojskog kantona održane dana 31.05.2023. godine, broj: 01-30-8993/23, nakon čega je Nezavisni odbor utvrdio odgovor na poslaničko pitanje na način da je Nezavisni odbor o postojanju Naredbe broj: 08-02-01/28-1-3-534/23 izdate dana 27.04.2023. godine od strane policijskog komesara, Rasmira Šišića upoznat aktom Stručne službe Skupštine Zeničko-dobojskog kantona

„Odgovor na poslaničko pitanje, traži se“, broj: 01-30-8993/23 od 01.06.2023. godine, priloženim izvodom iz transkripta sa 9. sjednice Skupštine u kome je sadržan istup poslanice Sanje Renić i ispisom e-maila poslanice Sanje Renić od 31.05.2023. godine o dostavi predmetnog poslaničkog pitanja, te će shodno tim saznanjima, od policijskog komesara Rusmira Šišića zahtijevati dostavu informacije o predmetnoj naredbi kako bi se u okviru svojih nadležnosti odredio u svojim daljnjim aktivnostima.

Nezavisni odbor se upoznao i sa obavijesti Uprave policije Ministarstva unutrašnjih poslova Zeničko-dobojskog kantona-policijskog komesara, broj: 01-23-9273/23 od 06.06.2023. godine i zauzeo stav da isti prima na znanje uz konstataciju da Nezavisni odbor nije učestvovao u izmjenama i dopuni Zakona o unutrašnjim poslovima Zeničko-dobojskog kantona.

Na 56. sjednici Nezavisnog odbora, koja je održana 09.06.2023. godine, Nezavisni odbor je razmatrao Izvještaj o radu policijskog komesara za mjesec maj 2023. godine i Izvještaj o radu Uprave policije i stanju bezbjednosti za mjesec maj 2023. godine na području Zeničko-dobojskog kantona, koje je prihvatio i donio zaključak da je Nezavisni odbor, razmatrajući redovne mjesečne izvještaje o radu policijskog komesara i Uprave policije Ministarstva Unutrašnjih poslova Zeničko-dobojskog kantona u periodu januar-maj 2023. godine i upoznavanja od strane policijskog komesara konstatovao da su kadrovski potencijali Uprave policije Ministarstva unutrašnjih poslova Zeničko-dobojskog kantona nedovoljni za nesmetano funkcionisanje, da je broj nedostajućih policijskih službenika, državnih službenika i namještenika sve veći, što može uticati na objektivnu sigurnost građana i opće stanje bezbjednosti, stoga smatra da Vlada Kantona treba razmotriti pitanje kadrovske popunjenosti i iznaći rješenje kako bi se riješio problem otežanog rada policije.

U okviru tačke dnevnog reda – razno, Nezavisni odbor se podsjetio na donesene akte na 55. sjednici Odbora i upoznao sa dostavljenim aktima Nezavisnom odboru, nakon čega se policijski komesar referisao u kratkim crtama o poslaničkom pitanju zastupnice Sanje Renić, vezano za naredbu s obzirom na kraj mandata Nezavisnog odbora. Pod ovom tačkom dnevnog reda Nezavisni odbor se upoznao i sa dostavljenim Pozivom za sjednicu Skupštine Zeničko-dobojskog kantona na kojoj će sjednici član odbora Sead Bolić, prezentovati Izvještaj o radu Nezavisnog odbora za 2022. godinu. Predsjedavajući odbora, je istakao da je bitno da Nezavisni odbor na kraju mandata konstatuje da je policijski komesar za 2022. godinu dobio pozitivnu ocjenu, da je istu Vlada Kantona potvrdila, da je Skupština na jednoj od sjednica dala pozitivno mišljenje o Izvještaju o sigurnosnoj situaciji na području Zeničko-dobojskog kantona za 2022. godinu, koji je jednoglasno prihvaćen, kao i da smatra da je Izvještaj o radu Nezavisnog odbora za 2022. godinu rezime navedenog stanja.

II - Aktivnosti novog saziva Nezavisnog odbora u izvještajnom periodu po sjednicama

- **Nezavisni odbor u novom sazivu, kome je mandat počeo 28.06.2023. godine, osim 1. Konstituirajuće sjednice, održane 30.06.2023. godine, održao je još 7 sjednica.**

Na 1. Konstituirajućoj sjednici, održanoj 30.06.2023. godine, Nezavisni odbor je izabrao predsjedavajućeg Odbora, koji se mijenja po principu rotacije, kako je regulisano članom 31. stav 2) Zakona o unutrašnjim poslovima Zeničko-dobojskog kantona. Nezavisni odbor je razmatrao Prijedlog Poslovnika o radu, usvojio Poslovnik o radu Nezavisnog odbora i isti sa Prijedlogom Odluke o davanju saglasnosti uputio Kolegiju Skupštine radi upućivanja u dalju skupštinsku proceduru.

U okviru tačke dnevnog reda – razno, Nezavisni odbor je razgovarao o Zakonu o izmjenama i dopuni Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 8/23), koji je stupio na snagu dana 31.05.2023. godine i upoznao se sa aktom „Dostava podataka, traži se” prethodnog saziva Nezavisnog odbora, broj: 01-03-9061-2/23 od 20.06.2023. godine, nakon čega je donio Zaključak da se upućuje urgencija Ministarstvu unutrašnjih poslova Zeničko-dobojskog kantona za dostavu podataka iz akta „Dostava podataka, traži se” prethodnog saziva Nezavisnog odbora, broj: 01-03-9061-2/23 od 20.06.2023. godine, te traži da ukoliko Ministarstvo unutrašnjih poslova Zeničko-dobojskog kantona ne raspolaže ili ne može da dođe do navednih podataka, da Nezavisnom odboru obrazloži razloge nedostavljanja podataka, a kako bi Nezavisni odbor poduzeo dalje korake iz svoje nadležnosti.

Na 2. sjednici Nezavisnog odbora, održanoj 07.07.2023. godine, Nezavisni odbor je razmatrao činjenice o ispunjavanju uslova primjene člana 42. Zakona o unutrašnjim poslovima Zeničko-dobojskog kantona na osnovu dokumentacije kojom raspolaže Nezavisni odbor i Stručna služba Skupštine, a u pogledu izmjena uslova za obavljanje poslova policijskog komesara, kojim izmjenama je proistekla obaveza Nezavisnog odbora da utvrdi da li

aktuelni policijski komesar ispunjava ili ne ispunjava uslove propisane navedenim Zakonom. Nezavisni odbor je konstatovao da policijski komesar na dan održavanja 2. sjednice Nezavisnog odbora, 07.07.2023. godine, ima čin samostalnog inspektora u trajanju 8 godina 6 mjeseci i 6 dana i čin „generalnog inspektora” (koji se dodjeljuje izabranom policijskom komesaru navedenim rješenjem o imenovanju i koji se zadržava za vrijeme trajanja mandata), u trajanju 1 godina 9 mjeseci i 21 dan, odnosno da Šišić Rusmir ne ispunjava uslove iz člana 33. stav (1) tačka d) Zakona, a koji se odnose na posjedovanje čina Glavni inspektor i radno iskustvo u tom činu u trajanju od tri godine. Nezavisni odbor je utvrdio Prijedlog za razrješenje policijskog komesara Ministarstva unutrašnjih poslova Zeničko-dobojskog kantona Šišić Rusmira zbog neispunjavanja uslova iz člana 33. stav (1) tačka d) Zakona o unutrašnjim poslovima Zeničko-dobojskog kantona, i isti je Vladi Zeničko-dobojskog kantona dostavljen putem ministra Ministarstva unutrašnjih poslova Zeničko-dobojskog kantona.

Nezavisni odbor je razmatrao i Informaciju Ministarstva unutrašnjih poslova Zeničko-dobojskog kantona-Uprave policije, broj: 08-02-06/1-30-3-1405-14/23 MM od 27.06.2023. godine u vezi Naredbe broj: 08-02-00/28-1-3-534/23 od 27.04.2023. godine, povodom koje je raniji saziv Nezavisnog odbora tražio informaciju i donio Zaključak da Nezavisni odbor traži od policijskog komesara Ministarstva unutrašnjih poslova Zeničko-dobojskog kantona izjašnjenje o neophodnosti donošenja pomenute Naredbe koja je uzrokovala žalbe i postupanja poslanika u Skupštini Zeničko-dobojskog kantona, ombudsmena i policijskih službenika iz Odsjeka za edukaciju, kao i postupanje skupštinskih radnih tijela, a imajući u vidu potrebe i sve specifičnosti procesa rada i preporučio da policijski komesar obavi razgovor sa rukovodnim policijskim službenicima i zaposlenicima Odsjeka koji su involvirani u donošenje pomenute Naredbe u cilju preispitivanja iste.

Na 3. sjednici Nezavisnog odbora, održanoj dana 14.07.2023. godine, Nezavisni odbor se upoznao sa Rješenjem Vlade Zeničko-dobojskog kantona o razrješenju i oduzimanju čina policijskom komesaru Ministarstva unutrašnjih poslova Zeničko-dobojskog kantona, broj: 02-30-11203/23 od 12.07.2023. godine, a koje Rješenje je Vlada Zeničko-dobojskog kantona donijela na svojoj 27. sjednici održanoj dana 12.07.2023. godine.

Nezavisni odbor je na istoj sjednici, na osnovu člana 24. i 34. stav (2) i (3) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23), a u vezi sa članom 8. Zakona o ministarskim, vladinim i drugim imenovanjima FBiH („Službene novine Federacije BiH”, broj: 34/03 i 65/13) i člana 60. Zakona o policijskim službenicima Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 4/14 i 2/18), utvrdio Javni konkurs za imenovanje policijskog komesara Ministarstva unutrašnjih poslova Zeničko-dobojskog kantona.

Nezavisni odbor je, na osnovu člana 36. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23), člana 10., 11. i 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 34/03 i 65/13) i člana 26. Poslovnika o radu Nezavisnog odbora („Službene novine Zeničko-dobojskog kantona“, broj: 15/19), donio Zaključak kojim se reguliše postupak odabira kandidata koji ispunjavaju sve opće i posebne uslove javnog konkursa za izbor policijskog komesara Ministarstva unutrašnjih poslova Zeničko-dobojskog kantona, koji su uvršteni na Listu s užim izborom kandidata koji ispunjavaju kriterije za imenovanje.

U okviru tačke dnevnog reda – razno, članovi Nezavisnog odbora su razgovarali o aktima koje su utvrdili na svojoj 2. sjednici održanoj dana 07.07.2023. godine pod tačkom razno, kao i o terminu održavanja naredne sjednice Odbora.

Na 4. sjednici Nezavisnog odbora, održanoj dana 10.08.2023. godine, Nezavisni odbor je razmatrao Izvještaj o radu policijskog komesara za mjesec juni 2023. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec juni 2023. godine, koje izvještaje nije prihvatio. Nezavisni odbor se upoznao sa Izvještajem o radu Uprave policije sa analizom stanja bezbjednosti na području Zeničko-dobojskog kantona za period januar-juni 2023. godine, koji je primio na znanje.

Nezavisni odbor je pod tačkom dnevnog reda Aktivnosti na provođenju Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona, konstatovao da su zaprimljene tri (3) prijave na Javni konkurs za imenovanje policijskog komesara Ministarstva unutrašnjih poslova Zeničko-dobojskog kantona. Nezavisni Odbor je nakon otvaranja prijave i pregledanja dokumentacije na Javni konkurs za izbor i imenovanje policijskog komesara Ministarstva unutrašnjih poslova Zeničko-dobojskog kantona konstatovao da su prijave kandidata blagovremeno podnesene, da svi prijavljeni kandidati ispunjavaju sve uslove Javnog konkursa, te da su priložili svu traženu validnu dokumentaciju.

Nezavisni odbor je konstatovao da će u skladu sa Odlukom koju donese Općinski sud u Zenici utvrditi Listu kandidata koji ispunjavaju sve propisane uslove iz Javnog konkursa za imenovanje policijskog komesara

Ministarstva unutrašnjih poslova Zeničko-dobojskog kantona, a koju čine sva tri (3) prijavljena kandidata i provesti dalju proceduru.

Po pitanju daljeg provođenja Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona, Nezavisni odbor se pod tačkom razno jednoglasno saglasio da se uputi dopis/molba ministru Ministarstva unutrašnjih poslova Zeničko-dobojskog kantona i Vladi Zeničko-dobojskog kantona da se ubuduće Nezavisnom odboru odmah dostavljaju svi akti vezani za radno-pravni status policijskog komesara, odnosno svi akti Vlade Zeničko-dobojskog kantona koji se na isto odnose, kao i svi akti odnosno odluke, rješenja i dr. nadležnih sudova i drugih nadležnih organa, kako bi nakon upoznavanja sa istim Nezavisni odbor mogao blagovremeno poduzimati odgovarajuće mjere iz svoje nadležnosti.

U okviru tačke dnevnog reda – razno, Nezavisni odbor se upoznao sa Odlukom Skupštine Zeničko-dobojskog kantona o davanju saglasnosti na Poslovnik Nezavisnog odbora, broj: 01-30-11436/23 od 17.07.2023. godine.

Nezavisni odbor se upoznao i sa dopisom advokata Dine Ahmetovića od 31.07.2023. godine (zaprimljenog u Stručnoj službi Skupštine Zeničko-dobojskog kantona dana 01.08.2023. godine, protokolisanog pod brojem: 01-03-10880-1-2/23), koji je u svojstvu punomoćnika policijskog komesara Šišić Rusmira, uputio Nezavisnom odboru, nakon čega je zauzeo stav da Nezavisni odbor nije nadležan organ za postupanje po Rješenju Općinskog suda u Zenici, koje advokat pominje u svom navedenom dopisu, te da Nezavisni odbor nije prava adresa za dostavljanje pomenutog dopisa, kao i da Nezavisni odbor smatra da je u pomenutom dopisu neprimjereno citiranje odredbi Krivičnog zakona FBiH, imajući u vidu stručne kvalifikacije i kompetencije koje imaju svi članovi Nezavisnog odbora. Nakon okončane diskusije po pitanju istupa policijskog komesara članovi Nezavisnog odbora su se jednoglasno saglasili da se ministar Ministarstva unutrašnjih poslova Zeničko-dobojskog kantona, obavijesti o ponašanju policijskog komesara, radi poduzimanja odgovarajućih mjera zbog pomenutog ponašanja imenovanog, a koje ponašanje Nezavisni odbor smatra neprimjerenim i nedoličnim. U okviru ove tačke dnevnog reda, Nezavisni odbor se upoznao i sa dopisom advokata Maličbegović Anisa, punomoćnika Vidović Damjana od 25.07.2023. godine, pod nazivom „ukazivanje na diskriminaciju”, koji je u svojstvu punomoćnika Vidović Damjana, uputio Nezavisnom odboru (koji je zaprimljen u Stručnoj službi Skupštine Zeničko-dobojskog kantona dana 26.07.2023. godine, protokolisan pod brojem: 01-30-8610-2-1/23), te nakon što je predsjedavajući Odbora podsjetio na ranije dostavljene akte i postupanje, Nezavisni odbor je zauzeo stav da se navedeni dopis uputi Instituciji Ombudsmena za ljudska prava BiH, kako bi isti shodno svojim nadležnostima poduzeli odgovarajuće aktivnosti u cilju ispitivanja postojanja diskriminacije na koju se ukazuje u navedenom dopisu, te shodno utvrđenom stanju dali svoju ocjenu i mišljenje, te eventualno dali odgovarajuće preporuke, kao i da se navedeni dopis uputi advokatu na znanje.

Na 5. sjednici Nezavisnog odbora, održanoj dana 07.09.2023. godine, Nezavisni odbor se upoznao sa Rješenjem Općinskog suda u Zenici, broj: 43 0 Rs 232270 23 Mo od 01.09.2023. godine, zaprimljenog u Stručnoj službi Skupštine Zeničko-dobojskog kantona, dana 04.09.2023. godine, pod brojem: 01-30-11203-2/23, a imajući u vidu da je na 4. sjednici Nezavisni odbor konstatovao da će Listu kandidata koji ispunjavaju sve propisane uslove iz Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona, a koju čine sva tri (3) prijavljena kandidata, poredana po abecednom redu, utvrditi i provesti dalju proceduru u skladu sa Odlukom koju donese Općinski sud u Zenici.

Nezavisni Odbor je nakon pregleda dostavljene dokumentacije po pozivu za dostavu prijedloga plana i programa rada za vrijeme trajanja mandata, koji je članovima Nezavisnog odbora ranije dostavljen skeniran putem e-maila, te dokumentacije kojom dokazuju kvalifikacije iz člana 35. stav (2) Zakona i to: stručno usavršavanje, godine policijskog iskustva na rukovodećim radnim mjestima, ocjenu rada u posljednje tri godine i ostale kvalifikacije koje odgovaraju potrebama radnog mjesta, a prije razmatranja naredne tačke dnevnog reda, konstatovao da prijavljeni kandidati ispunjavaju sve propisane uslove Javnog konkursa, da su priložili svu traženu i validnu dokumentaciju, te da Listu kandidata koji ispunjavaju sve propisane uslove iz Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona čine sva tri (3) prijavljena kandidata, poredana po abecednom redu, kako slijedi: Admir Gazić, Adis Imamović i Fahrudin Pušina. Potom je Nezavisni odbor utvrdio listu pitanja za provođenje intervjua/razgovora sa kandidatima za policijskog komesara Ministarstva unutrašnjih poslova Zeničko-dobojskog kantona, koja se sastoji od pet pitanja, te se usaglasio i sa prijedlogom za dva dodatna pitanja, koja će se postavljati ukoliko dva ili više kandidata nakon ocjenjivanja od strane svakog člana Nezavisnog odbora i sumiranja dobijenih ocjena, ostvare jednak broj bodova, a po broju bodova se nalaze na prvom i drugom mjestu, na Rang-listi kandidata.

Predsjedavajući Odbora, je prije početka razgovora/intervjua upoznao članove Odbora da će od svakog kandidata, shodno članu 11. stav 2. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), biti zatraženo da predoče identifikacioni dokument (ličnu kartu) i popunjen i potpisan Obrazac u kojem su mogli iznijeti bilo koje pitanje ili mogućnost koja bi mogla

dovesti do sukoba interesa u slučaju da dođe do imenovanja kao i popunjen obrazac Izjave o imovinskom stanju kandidata koji su dostavljeni uz poziv za razgovor/intervju, te da će biti zamoljeni da se izjasne da li su upoznati sa članom 11. stav 5. navedenog Zakona, tj. standardom ličnog integriteta koji se traži za lica imenovana na javnu poziciju, da li su kandidatu objašnjena i razmotrena pitanja o sukobu interesa, te da li je kandidat u potpunosti informiran o pravu javnosti putem mehanizama koji su detaljno navedeni u Zakonu, tj. da mogu uložiti prigovor na konačnu odluku protiv imenovanja koje se razmatra, nakon čega je obavljen razgovor/intervju sa kandidatima.

Potom je izvršena ocjena rezultata razgovora/intervjua, ocjena prijedloga plana i programa rada za vrijeme trajanja mandata i ocjena kvalifikacija kandidata koje odgovaraju potrebama radnog mjesta, a kandidate je ocjenio svaki član Nezavisnog odbora, davanjem određenog broja bodova u rasponu od jedan do pet (1-5) za svaki kriterij odabira iz člana 35. stav (4) Zakona o unutrašnjim poslovima Zeničko-dobojskog kantona, naveden u upitniku.

Zatim je na osnovu člana 36. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23), člana 23. i 28. Poslovnika o radu Nezavisnog odbora („Službene novine Zeničko-dobojskog kantona”, broj: 12/23) i tačaka 14. i 15. Zaključka Nezavisnog odbora, broj: 01-03-11281-2/23 od 14.07.2023. godine, utvrđena Rang-lista kandidata za policijskog komesara Ministarstva unutrašnjih poslova Zeničko-dobojskog kantona, sa obrazloženjem.

Rang-listu sa tri (3) imenovana kandidata sa obrazloženjem, Nezavisni odbor dostavlja ministru Ministarstva unutrašnjih poslova Zeničko-dobojskog kantona, radi provođenja dalje zakonom propisane procedure, a sa ciljem imenovanja jednog od kandidata za policijskog komesara Ministarstva unutrašnjih poslova Zeničko-dobojskog kantona.

Na 6. sjednici Nezavisnog odbora, održanoj dana 06.10.2023. godine, Nezavisni odbor je razmatrao Izvještaj o radu policijskog komesara za mjesec juli 2023. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec juli 2023. godine, te Izvještaj o radu policijskog komesara za mjesec august 2023. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec august 2023. godine, nakon čega je donio zaključak kojim Izvještaj o radu policijskog komesara za mjesec juli i august 2023. godine, nije prihvatio, dok je odgodio izjašnjenje po Izvještajima o radu Uprave policije i stanju bezbjednosti na području Zeničko-dobojskog kantona za mjesec juli i august 2023. godine.

Nakon toga Nezavisni odbor je konstatovao da Poslovnik o radu Nezavisnog odbora nije usklađen sa Zakonom o unutrašnjim poslovima Zeničko-dobojskog kantona, u smislu izvještaja o radu policijskog komesara, te se jednoglasno saglasio da članovi Odbora u roku od sedam (7) dana Stručnoj službi Skupštine dostave sve svoje prijedloge, primjedbe i sugestije na isti, kako bi bile razmatrane na narednoj sjednici Odbora.

Na osnovu člana 40. stav (1) Zakona o unutrašnjim poslovima Zeničko-dobojskog kantona, člana 15. i 16. Poslovnika o radu, Nezavisni odbor je donio zaključak kojim Nezavisni odbor, po pitanju metodologije izrade mjesečnog Izvještaja o radu policijskog komesara (u daljem takstu: izvještaj), predlaže policijskom komesaru Uprave policije Ministarstva unutrašnjih poslova Zeničko-dobojskog kantona da:

- Izvještaj bude baziran na ovlaštenjima policijskog komesara iz člana 22. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23) u kome su jasno pobrojana ovlaštenja policijskog komesara i da isti taksativno prati tok iz propisanih ovlaštenja,
- da policijski komesar (ili osoba koja ga zamjenjuje), u izvještaju koji dostavlja Nezavisnom odboru na razmatranje da svoj osvrt i komentar šta je po svakom od navednih ovlaštenja poduzeo,
- da ukoliko u nekom mjesecu nije bilo aktivnosti po određenom ovlaštenju isto ovlaštenje preskoči i nastavi sa izvještavanjem o poduzetim aktivnostima kojih je bilo u izvještajnom periodu,
- da se pored navedenog policijski komesar u svome izvještaju osvrne i na sveukupnu situaciju i aktivnosti za koje smatra da su bitne,
- da izvještaj sadrži reakciju na negativne/pozitivne trendove iz oblasti kriminaliteta, javnog reda i mira i bezbjednosti saobraćaja iz Izvještaja o radu Uprave policije i stanju bezbjednosti na području Zeničko-dobojskog kantona.

Nezavisni odbor se jednoglasno saglasio da se zaključak i dopis upute policijskom komesaru Ministarstva unutrašnjih poslova Zeničko-dobojskog kantona sa sadržajem:

- da budući izvještaji o radu policijskog komesara treba da budu strukturirani na način da se mjesečni izvještaji prave u skladu sa ovlaštenjima policijskog komesara iz Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23) i
- da Nezavisni odbor očekuje da izvještaj koji bude sačinjen na osnovu člana 22. Zakona o unutrašnjim poslovima Zeničko-dobojskog kantona, treba da sadrži najveći broj podataka i statističkih podataka koji se odnose na javni red i mir, saobraćaj i kriminalitet i na posebne aktivnosti policije za koje policijski komesar smatra da treba

da izvijesti Nezavisni odbor, odnosno da u isti inkorporira podatke iz Izvještaja o radu Uprave policije i stanju bezbjednosti na području Zeničko-dobojskog kantona,

- te da to bude jedan izvještaj sačinjen na osnovu ovlaštenja iz Zakona, a koji sadržava sve bitne podatke iz Izvještaja o radu Uprave policije i stanju bezbjednosti na području Zeničko-dobojskog kantona.

U okviru tačke dnevnog reda – razno, predsjedavajući Odbora je konstatovao da nije stigao odgovor ministra Ministarstva unutrašnjih poslova Zeničko-dobojskog kantona po aktu Nezavisnog odbora oko kojeg su se telefonski usaglasili, a kojim se traži obavijest o postupanju sa Rang-listom kandidata za imenovanje policijskog komesara Ministarstva unutrašnjih poslova Zeničko-dobojskog kantona, broj: 01-03-13597-4-1/23 od 21.09.2023. godine, te predložio s obzirom na uvid da je na web stranici Kantona za sjednicu Vlade Zeničko-dobojskog kantona predviđeno razmatranje Prijedloga Rješenja o imenovanju policijskog komesara, da Nezavisni odbor dalje ne postupa. Nakon okončane diskusije Nezavisni odbor se jednoglasno usaglasio da se nakon održavanja najavljene sjednice Vlade Kantona, a ukoliko se ista tačka ne bude razmatrala, na osnovu člana 37. stav 2. Zakona uputi dopis Vladi Kantona u vezi sa prijedlogom za imenovanje policijskog komesara.

Na 7. sjednici Nezavisnog odbora, održanoj dana 24.11.2023. godine, Nezavisni odbor je razmatrao Izvještaj o radu policijskog komesara za mjesec oktobar 2023. godine, koji izvještaj je prihvatio. Nezavisni odbor nije prihvatio Izvještaje o radu Uprave policije i stanju bezbjednosti na području Zeničko-dobojskog kantona za mjesec juli i august 2023. godine, po kojim izvještajima je na 6. sjednici Odbora održana dana 06.10.2023. godine odgođeno izjašnjenje. Na istoj sjednici, Nezavisni odbor je nakon razmatranja, prihvatio Izvještaje o radu Uprave policije i stanju bezbjednosti na području Zeničko-dobojskog kantona za mjesec septembar i oktobar 2023. godine. Pored navedenog Nezavisni odbor, je zauzeo stav da nije nadležan za razmatranje mjesečnih Izvještaja o radu Uprave policije i stanju bezbjednosti na području Zeničko-dobojskog kantona, iako je članom 15. Poslovnika o radu Nezavisnog odbora („Službene novine Zeničko-dobojskog kantona”, broj: 12/23) isto predviđeno. Dalje se shodno konstataciji sa 6. sjednice Odbora da Poslovnik o radu Nezavisnog odbora nije usklađen sa Zakonom o unutrašnjim poslovima Zeničko-dobojskog kantona, u smislu razmatranja Izvještaja o radu Uprave policije i stanju bezbjednosti na području Zeničko-dobojskog kantona, jednoglasno saglasio da pod tačkom razno razmotri prijedloge, primjedbe i sugestije na Poslovnik o radu Nezavisnog odbora („Službene novine Zeničko-dobojskog kantona”, broj: 12/23).

U okviru tačke dnevnog reda – razno, Nezavisni odbor je na osnovu člana 31. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23), donio Odluku o izmjenama i dopuni Poslovnika o radu Nezavisnog odbora i istu uputio u dalju skupštinsku proceduru. Nezavisni odbor je po pitanju anonimne pritužbe koju je zaprimio dana 19.10.2023. godine, pod brojem: 01-03-15725/23, protiv policijskog službenika, kao i anonimne pritužbe „grupe policijskih službenika”, koju je zaprimio dana 24.11.2023. godine, pod brojem: 01-03-17578/23 od 24.11.2023. godine, zauzeo stav da nije nadležan za postupanje i da se iste pritužbe dostave Uredu za pritužbe javnosti na daljnje postupanje.

Na 8. sjednici Nezavisnog odbora, održanoj dana 15.12.2023. godine, Nezavisni odbor je razmatrao Izvještaj o radu policijskog komesara za mjesec novembar 2023. godine, koji izvještaj je prihvatio.

NADLEŽNOSTI NEZAVISNOG ODBORA U VEZI SA DISCIPLINSKIM POSTUPKOM

U navedenom izvještajnom periodu Nezavisni odbor nije koristio zakonska ovlaštenja iz člana 45. Zakona o unutrašnjim poslovima Zeničko-dobojskog kantona u pogledu iniciranja pokretanja disciplinskog postupka za povrede službene dužnosti policijskog komesara, jer za to nije bilo potrebe odnosno nije bilo slučajeva zbog kojih bi se koristilo pomenuto ovlaštenje.

ZAKLJUČCI

U skladu sa nadležnostima Nezavisnog odbora propisanim Zakonom o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19 i 22/19, 21/20, 10/21 i 8/23), koji se primjenjivao u izvještajnom periodu, a na osnovu redovnog razmatranja mjesečnih Izvještaja o radu policijskog

komesara i Izvještaja o radu Uprave policije i stanju bezbjednosti na području Zeničko-dobojskog kantona, mogu se izvesti sljedeći zaključci:

1. Nezavisni odbor je redovno razmatrao mjesečne Izvještaje o radu policijskog komesara i Izvještaje o radu Uprave policije i stanju bezbjednosti na području Zeničko-dobojskog kantona, po istima je vođena diskusija i zauzimani su odgovarajući stavovi;
2. Nezavisni odbor je sa ciljem poboljšanja objektivne i subjektivne sigurnosti građana utvrdio određene prijedloge i sugestije koje su uvažene od strane policijskog komesara;
3. Nezavisni odbor je utvrdio da nijedan prijedlog niti sugestija nije sadržavao elemente uplitanja u operativni policijski rad niti je imao karakter političkog uticaja na rad policije.

MJERE I PREPORUKE

Nezavisni odbor bi i u narednom periodu trebao nastojati da svojim prijedlozima i sugestijama datih prilikom razmatranja mjesečnih Izvještaja o radu policijskog komesara i Izvještaja o radu Uprave policije i stanju bezbjednosti na području Zeničko-dobojskog kantona doprinosi unapređenju rada policije, te kadrovskom, materijalnom i tehničkom poboljšanju uslova njenog rada.

U narednom periodu je potrebno i snažnije proaktivno djelovanje i primjena određenih sigurnosnih mjera i postupaka policije u područjima za koja se utvrdi da su prisutni pojedinačni sigurnosni događaji koji uznemiruju javnost (kao što su: slučajevi razbojništva, zloupotrebe droga, upotreba vatrenog oružja, nasilje nad ženama, nasilje u porodici i sl.), a sa ciljem da rezultati policije u cjelini budu odraz ukupnog, profesionalnog i rukovodnog djelovanja orijentisanog prema principima djelovanja u skladu sa principima djelovanja policije u demokratskom društvu, ali i primjeni projekata rada policije u zajednici.

PREDSJEDAVAJUĆA
Nezavisnog odbora

Almina Mušić-Uka



Broj: 01-03-7850-1/24
Zenica, 26.04.2024. godine

Dostavljeno:

Skupština Zeničko-dobojskog kantona,
1x U spis predmeta 12. sjednice Nezavisnog odbora.